



Broj: 01-14-1-225/20-2
Datum: 16.04.2020. godine

Na osnovu člana 69. stav 3. Zakona o javnim nabavkama BiH („Službeni glasnik BiH“, broj 39/14) i člana 39. Statuta Općine Travnik ("Službene novine Općine Travnik", broj 11/05 - Prečišćeni tekst), , načelnik Općine Travnik, **d o n o s i**

R J E Š E N J E

o otkazivanju postupka javne nabavke

- 1) Otkazuje se postupak javne nabavke direktnim sporazumom za nabavku bankarskih usluga broj 01-14-1-225/20 zbog aktualnih događaja u Bosni i Hercegovini vezano za pandemiju Corona virusa (COVID-19) i sprječavanja širenja i ublažavanja istog.
- 2) Ovo Rješenje objavit će se na web-stranici Općine Travnik, istovremeno sa upućivanjem ponuđačima koji su učestvovali u postupku javne nabavke, shodno članu 70. stav 6. Zakona o javnim nabavkama.
- 3) Ovo Rješenje stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav 2. Zakona o javnim nabavkama.

O b r a z l o ž e n j e

Općina Travnik je Rješenjem o pokretanju postupka 01-14-1-225/20 od 09.03.2020. godine, pokrenula postupak javne nabavke direktnim sporazumom za nabavku bankarskih usluga i uputila poziv za 11 (jedanaest) banaka.

Povodom aktualnih događaja u Bosni i Hercegovini uzrokovanih Corona virusom (COVID-19) i sa službenim proglašenjem pandemije od strane Svjetske zdravstvene organizacije od 11.03.2020. godine, te Odluke o proglašenju stanja prirodne i druge nesreće na teritoriji Bosne i Hercegovine od strane Vijeća ministara BiH od 17.03.2020. godine i Odluke o proglašenju stanja nesreće zbog Corona virusa na području FBiH od strane Vlade FBiH od 16.03.2020. godine, u skladu sa stavom 3. Člana 69. Zakona o javnim nabavkama, prema kojem ugovorno tijelo može otkazati postupak javne nabavke zbog dokazivih razloga koji su izvan kontrole ugovornog tijela i koji se nisu mogli predvidjeti u vrijeme pokretanja postupka javne nabavke, uz obrazloženje koje se temelji na općepoznatoj situaciji u BiH uzrokovanju pandemijom Corna virusa, Načelnik općine donio je Rješenje o poništenju postupka javne nabavke direktnim sporazumom za nabavku bankarskih usluga.

Uzimajući u obzir naprijed navedeno, odlučeno je kao u dispozitivu rješenja.

DOSTAVITI:

1. Ponuđaču x 1
2. Arhiva.

